

MEMORANDUM PERSEFAHAMAAAN

DI ANTARA

UNIVERSITAS ISLAM NEGERI (UIN) RADEN FATAH PALEMBANG

DAN

YAYASAN PENDIDIKAN MALAYSIA

**DI ATAS PERSAHABATAN DAN KERJASAMA, GALAKAN
PERSEFAHAMAN BERSAMA, AKADEMIK, KEBUDAYAAN DAN
PEMIKIRAN, PERTUKARAN PELAJAR DAN KAKITANGAN**

Memorandum Persefahaman ini ditandatangani

DI ANTARA

UNIVERSITAS ISLAM NEGERI RADEN FATAH (selepas ini dirujuk sebagai "UIN RF"), sebuah institusi pengajian tinggi awam yang ditubuhkan di bawah Kementerian Agama Republik Indonesia yang beralamat di Kampus A: Jl Prof. K.H Zainal Abidin Fikry , No 1 Km 3.5 Palembang 30126 Indonesia dan termasuk wakil dan pemegang serah hak yang sah;

DAN

YAYASAN PENDIDIKAN MALAYSIA (selepas ini dirujuk sebagai "YPM"), yayasan yang beralamat di 30B Jalan Diplomatik, Presint 15, 62050 Putrajaya dan termasuk wakil dan pemegang serah hak yang sah; (selepas ini dirujuk satu pihak sebagai "Pihak" dan kedua-dua pihak "Pihak pihak")

BAHAWASANYA

A. UIN RF adalah sebuah institusi pengajian tinggi ternama di Indonesia yang mempunyai rekod baik di dalam kecemerlangan pendidikan dan penyelidikan dan mempunyai program usaha sama yang dinamik dengan pelbagai pihak antarabangsa.

B. YPM adalah sebuah yayasan yang giat di dalam meningkatkan kebolehan pendidikan dan penyelidikan dan telah memasuki pelbagai kolaborasi dengan pihak lain bagi meningkatkan jaringan dan kerjasama akademik.

C. Pihak-pihak berhasrat untuk memasuki Memorandum Persefahaman ini untuk menyatakan niat dan mewujudkan kerjasama dan kolaborasi di antara Pihak-pihak berdasarkan terma-terma yang terkandung di sini.

DENGAN INI ADALAH DIPERSETUJUI SEPERTI BERIKUT:

PERKARA 1: OBJEKTIF

Tertakluk kepada terma-terma Memorandum Persefahaman ini dan undang-undang, peraturan-peraturan, dan polisi-polisi di negara masing-masing, pihak-pihak akan berusaha untuk menguatkan, menggalakkan dan membangunkan bidang akademik, kebudayaan dan penyelidikan di antara pihak-pihak di atas dasar keuntungan bersama dan saksama.

PERKARA 2: BIDANG KERJASAMA

2.1 Pihak-pihak bersetuju untuk menggalakkan aktiviti-aktiviti di bawah, khususnya, bagi menggalakkan kerjasama antarabangsa di dalam bidang akademik di dalam bidang-bidang berikut:

- a) Pertukaran kakitangan di antara fakulti dari setiap rakan institusi;
- b) Pertukaran pelajar diantara fakulti dari rakan institusi;
- c) Penerimaan pelajar-pelajar lepasan sekolah menengah untuk melanjutkan pengajian ke UIN RF;
- d) Penerimaan pelajar-pelajar peringkat sijil, diploma, ijazah dan pasca siswazah dari setiap rakan institusi untuk satu tempoh pengajian atau penyelidikan;
- e) Mengadakan simposium, konferensi, kursus pendek dan mesyuarat berkenaan isu-isu penyelidikan;
- f) Pertukaran maklumat berkenaan perkembangan di dalam pendidikan, pembangunan pelajar dan institusi-institusi penyelidikan;
- h) Menghebahkan maklumat dan aktiviti rakan universiti di bawah memorandum persefahaman melalui laman sesawang pihak-pihak; dan
- i) Kerjasama di dalam apa-apa bidang lain seperti mana yang dipersetujui oleh pihak-pihak dari masa ke masa.

2.2 Bagi tujuan perlaksanaan kerjasama mana-mana aktiviti yang disebut di dalam klausa 2.1, pihak-pihak bersetuju untuk memasuki perjanjian yang sah dan tertakluk kepada terma-terma dan syarat-syarat yang telah dipersetujui bersama oleh pihak-pihak.

PERKARA 3: ATURAN KEWANGAN

3.1 Memorandum persefahaman ini tidak akan memberi sebarang tanggungjawab kewangan oleh satu pihak ke atas pihak satu lagi.

3.2 Sepanjang perlaksanaan memorandum persefahaman ini, setiap pihak akan menanggung kos dan perbelanjaan sendiri.

PERKARA 4: KESAN MEMORANDUM PERSEFAHAMAN

Memorandum persefahaman ini hanya bertujuan merekodkan niat pihak-pihak dan bukan atau tidak akan menjadi atau membentuk apa-apa komitmen, sama ada secara nyata atau tersirat, yang boleh dikuatkuasakan di bawah undang-undang, sama ada di dalam atau luar negara.

PERKARA 5: TIADA HUBUNGAN AGENSI

Tiada apa di dalam memorandum persefahaman ini boleh ditafsirkan sebagai membentuk satu perkongsian usaha sama atau apa-apa organisasi perniagaan yang formal di antara pihak-pihak atau menjadikan satu pihak sebagai agen kepada pihak satu lagi.

PERKARA 6: WAKIL

Adalah sepanjang tempoh memorandum persefahaman ini akan dilaksanakan atau sedang dilaksanakan adalah boleh bagi pihak-pihak melantik secara bertulis kepada pihak ke 3 untuk mewakili pihak-pihak dalam usaha melaksanakan perkara yang termaktub pada perkara dua (2) dalam memorandum persefahaman ini.

PERKARA 7: TARIKH KUAT KUASA DAN TEMPOH

6.1 Memorandum persefahaman ini akan berkuat kuasa pada tarikh pihak-pihak menandatangani atau jika tarikh tersebut berbeza, pada tarikh yang terkemudian.

6.2 Memorandum persefahaman ini akan berkuat kuasa selama TIGA (3) tahun.

6.3 Tempoh Memorandum Persefahaman ini boleh dilanjutkan untuk satu tempoh yang dipersetujui secara bertulis oleh pihak-pihak.

PERKARA 7: PENAMATAN

Memorandum Persefahaman ini boleh ditamatkan oleh mana-mana pihak dengan memberi satu notis bertulis tidak kurang TIGA PULUH (30) hari. Melainkan pihak-pihak bersetuju sebaliknya, sebarang aktiviti yang sedang berlangsung pada masa penamatan akan diteruskan sehingga aktiviti tersebut tamat seperti yang telah dirancang.

PERKARA 8: NOTIS

Sebarang komunikasi di bawah memorandum persefahaman ini hendaklah secara bertulis di dalam Bahasa Melayu atau Bahasa Inggeris dan hendaklah dihantar secara po berdaftar ke alamat atau dihantar ke alamat emel atau nombor faksimili Universitas Islam Negeri (UIN) Raden Fatah atau YPM, yang mana terpakai, seperti yang dinyatakan di bawah atau alamat atau alamat emel atau nombor faksimili lain yang telah diberi oleh satu Pihak kepada Pihak satu lagi dan akan, melainkan dinyatakan sebaliknya di sini, dianggap sebagai diterima sekiranya dihantar kepada penerima di alamat atau alamat emel atau nombor faksimili yang telah diakui:

Kepada Universitas Islam Negeri (UIN) Raden Fatah :

Alamat : Kampus A: Jl Prof. K.H Zainal Abidin Fikry , No 1 Km 3.5 Palembang 30126 Indonesia

Untuk perhatian : **SUSI HERTI AFRIANI. Ph.D**

Tel. : +62821 1445 7468

Faks. :

e-mail: pli_uin@radenfatah.ac.id

Kepada Yayasan Pendidikan Malaysia:

Alamat : 30B Jalan Diplomatik, Presint 15, 62050 Putrajaya

Untuk perhatian : **FARAHWAHIDAH BUJANG**

Tel. : 03-8800 0330

Faks :

e-mail :official@ypm.edu.my

SEBAGAI MENYAKSIKAN PERKARA-PERKARA DI ATAS, Memorandum Persefahaman ini telah ditandatangani secara dua Salinan di PEJABAT YAYASAN PENDIDIKAN MALAYSIA pada tarikh 11 hari bulan NOVEMBER tahun 2022

Ditandatangani

Untuk dan bagi pihak

UNIVERSITAS ISLAM NEGERI (UIN)

RADEN FATAH PALEMBANG



PROF. DR. NYAYU KHODIJAH S.Ag., M.Si

REKTOR UIN RF

Tarikh: 11 NOVEMBER 2022

Disaksikan oleh

SUSI HERTI AFRIANI. Ph.D

Ditandatangani

Untuk dan bagi pihak

YAYASAN PENDIDIKAN MALAYSIA

PUTRAJAYA, MALAYSIA



FARAHWAHIDAH BUJANG

PENGARAH YPM

Tarikh: 11 NOVEMBER 2022

Disaksikan oleh

MARDHIAH AHMAD KHALID